

~~Et. 17. 10.~~

Sammeld

~~Et. 17. 10.~~

~~XXVIII. 9. a~~

~~XV. 8. a~~

I. B. @ 55.

58.


- 1
- 2
- 3
- 4
- 5
- 6
- 7
- 8
- 9
- 10.
- 11.
- 12
- 13.
- 14
- 15
- 16
- 17
- 18
- 19
- 20
- 21
- 22




Dissertationes

- 1 De Juribus Sine domo Saxonica Beckmann.
- 2 - Terminis Saxonicis.
- 3 - Prerogative Jurisdictionis de Persona ad Personam
- 4 - Prae ac Nobilitate Tutelis
- 5 - Pacto Compositio.
- 6 - Libello
- 7 - Subreptione
- 8 - Stillicidium Jure
- 9 - An et quatenus Praes Comites etc. in suis Terris Statuta condere possunt.
- 10 - Ubi fides non servanda
- 11 - Excussione Debitoris
- 12 - Praesentatione J. Sacerdotii et Episcopatus Romani in mater. success. ab intestato
- 13 - Jure non scripto.
- 14 - Casu fortuito
- 15 - Praesentatione Jure et privilegio.
- 16 - Praesentatione
- 17 - Servitutibus
- 18 - Jura
- 19 - Factis adjectis
- 20 - In ius vocandi
- 21 - Jura iure diversitatis Nemesis
- 22 - Praesentatione Canonica









*Quod felix esse jubeat SS. & individua Trinitas!* 16  
DISPUTATIO INAUGURALIS JURIDICA

De  
JURE  
NONSCRIPTO,

Quam,  
Jussu & Auctoritate  
*Magnifici, Nobilissimi & Amplissimi in Illustri*  
SALANA Jctorum Ordinis,

DIRIGENTE

VIRO

*Nobilissimo, Amplissimo, Consultissimo atque Excellentissimo*

DN. JOHANN. VOLK. Bechmann/

J. U. D. celeberrimo, Consiliario Saxonico gravissimo,  
Curiae Provincialis atque Scabinatus Adessore spectatissimo, Pro-  
fessore Publico eminentissimo, Dn. Patrono atque Promotore suo æ-  
viternum honorando,

PRO LICENTIA

& in utroque Jure Privilegiis & honoribus DOCTORALIBUS  
rite impetrandis,

*Publico Doctorum examini offert*

GEORGIUS LUDOVICUS Schild/

Arnstad. Thur.


*Ad diem 13. Martii*

In Auditorio Jctorum

Horis ante- & pomeridianis.

JENÆ

Typis NISIANIS, ANNO MDCLXXI.



*Per-Illustri & Generosissimo Comiti  
ac Domino  
DN.*

**CHRISTIANO  
GUNTHERO,**

**Sac. R. Imperii Quatuorviro,  
Comiti in Schwartzburg & Hohnstein,  
Dynastæ Arnsteri, Sondershusæ, Leutenber-  
gæ, Lohræ & Clettenbergæ & c.**

*Domino suo Gratosissimo,*

**Disputationem hanc Inau-  
guralem**

**In Studiorum suorum commen-  
dationem**

*humilimè offert*

**GEORGIUS LUDOVICUS Schild,**





I. N. S. T.



Um teste Pomponio in L. 3.  
4. & 5. ff. de LL. & Ulpiano  
in L. 1. ff. de susp. tutor. accura-  
tius sint perpendenda ea,  
quæ usum in vita communi  
fortiuntur frequentem; eam  
ob causam certò mihi persuasum habeo,  
me operam non perditurum, si de juris  
non scripti materia, in quotidiana nego-  
tiorum & litium occurrentium discepta-  
tione frequentissima, inque foro versatis-  
sima, & cui ceu matri exhibendam esse re-  
verentiam & præstandum obsequium di-  
cunt *Chassan. in proœm. consuet. Burgund.*  
*n. 34. Petr. Rebuff. in comment. constit. Re-*  
*giar. tom. 3. in præfat. n. 70. vers. consuetudi-*  
*ni sicut matri. Caspar. Klock. de contribut. c.*  
*12. n. 237. imò tanquam Reginam obseruan-*  
*dam esse tradit Petr. Anton. de Petra tract.*

*de potest. princip. c. 4. p. 1.* aliquid loco Dis-  
sertationis Inauguralis disquiram. Quo-  
niam verò tum demum universa benè &  
competenter geruntur, si principium fiat  
decens & amabile Deo *Nov. 6. in pr.* Idcir-  
cò Te, Triune Deus, humiliter veneror, ut  
menti & lingvæ meæ radium gratiæ divi-  
næ impertiri digneris, quò veritatem in  
profundo latitantem in Tui nominis glo-  
riam dextrè eruere valeam.

#### POSITIO I.

**C**um non infrequens, sed usitatissimum imò sum-  
mè necessarium sit, (teste *Bl. in pralud. feud. nu. 8.*  
& *Sigismundo Scaccia L. 1. de jud. caus. civ. & crim.*  
*c. 2. n. 3. quibus ad stipulari videtur Julianus in l. si*  
*is 13. §. utrum ita. 3. ff. de R. D.* Animadvertendum igitur  
est (inquiens) quid sit, de quo quaritur, ut omnis discepta-  
tio de realiqua, quæ à ratione suscipitur, à definitione o-  
riginem sumat, quo intelligi possit, de quo disputetur.  
Merito principii loco definitionem juris non scripti  
præmittendam esse arbitror, siquidem definitio proprie-  
tatis quædam amussis & totius exactæ tractationis fun-  
damentum quoddam non ineptè appellari potest.

#### II.

Antequam autem ad ipsam definitionem Realem  
deveniam, pauca de vocabuli diversimoda acceptione  
adducenda sunt, ne, quo in sensu hîc acceptum velim,  
latere

latere quem possit: siquidem in illius recta & commoda  
explicatione plurimum momenti situm est. Plerumque  
etiam evenire solet, ut intellectus, qui naturâ suâ satis im-  
becillis est, facilèque decipitur, similitudine & æquivo-  
catione rerum seductus, aliud pro alio, falsum pro vero  
incautè arripiat. Homonymia enim secundum Philo-  
sophos est genitrix errorum & controversiarum pro-  
creatrix. *Scalig. Exerc. 140. n. 4.* Nihil autem tam con-  
trarium est consensui quàm error *l. 15. de J. dict. l. 116. §. 2.*  
*ff. de R. J.* qui verò in disputando consensum tollit, so-  
lem è mundo tollenti non videtur absimilis.

### III.

Accipitur itaque jus non scriptum juxta Bart. *in l. 32.*  
*vers. veniamus n. 6. de LL.* in hac materia triplici modo:  
(I.) latè & generaliter pro assuefactione, quomodo *l. Rhetor. 10.* dicuntur consuetudine ea fieri quæcumque homi-  
nes, quia sic fecerunt, faciunt, & hac ratione omnibus  
competit animalibus, uti patet *ex §. pavonum 15. J. de R.*  
*D.* quò referri potest illud vulgò jactari solitum, consue-  
tudinem esse alteram naturam. *L. si quis post h. 9. in pr. ff. de*  
*liber. & post h.* (II.) Pro facto plurium personarum,  
quod appellatur usus s. mos. *arg. l. 32. pr. de LL.* ibi: quod  
moribus introductum est, & hoc modo consuetudo fa-  
cti est & probanda, uti expressè colligere est *ex c. 1. d. con-*  
*stit. in 6.* (III.) Propriè pro jure quod resultat ex usu &  
moribus plurium personarum. *l. 33. h. r. & r. r. C. qua-*  
*sit long. consuet.* Bart. *ad l. 32. n. 6.* Et hæc est juris non  
scripti s. consuetudinis, prout ea hîc considerata ve-  
nit, genuina & propria significatio. *Vid. Hunn. in Resol.*  
*Trent. l. Disq. 1. t. b. 9. lit. A. vol. 1.*

A 3

IV. Ob-

## IV.

Observandum hîc est, jus non scriptum in ultima acceptione consideratum, iterum dupliciter sumi: (I.) strictè pro eo jure, quod profluit ex usu & moribus in statu populari *arg. l. 32. §. 1. l. 35. de LL.* (II.) Latè pro jure ex usu in quocunque Reip. statu. *arg. l. 1. §. 1. f. C. qua sit long. consuet. l. 3. C. de edific. priv.*

## V.

Excusâ juris non scripti homonymia ad rei nunc accedo definitionem. Definiri autem potest jus non scriptum, quod sit jus subditorum usu introductum, tacitoque summæ potestatis consensu approbatum. *arg. §. 9. J. de J. N. G. & C. l. 32. ff. de LL. l. 35. d. 1. vid. Nobiliss. atque Consultiss. Dn. D. Struv. J. C. us Excellentiss. Exerc. 2. th. 18.* Varias variorum definitiones juris non scripti *vide apud Roch. Curt. in prefat. n. 9. & seqq.*

## VI.

Jus non scriptum appellatur jus formaliter ratione essentialitatis atque formæ suæ, seu ut in se consideratur: materialiter sc. respectu introductionis illud facti esse, rectè dici potest, quippe cum ex moribus & actibus hominum profluat & probatione indigeat. *l. 4. de custod. reor.* Formam & differentiam specificam juris non scripti tacitum populi consensum esse, *ex l. 32. l. 33. l. 34. l. 38. 39. 40. ff. de LL.* colligere est, hoc enim à jure scripto differt, quod expresso jussu constare debet. *Vid. Pralaudatus Dn. D. Struv. J. C. us famigeratiss. d. Exerc. th. 19. Treutl. Diss. 2. th. 9. lit. B.*

## VII.

Nobilis hîc resolvenda venit quæstio: num jus non scriptum in Scripturam redactum, nomen juris scripti indu-

induat? Negativa hac in quaestione subscribendum esse  
autumo, quia jus non scriptum ut plurimum memoriae  
& facilioris saltem probationis causa literis consignatur:  
sicut videre est in contractibus, qui consensu perficiun-  
tur, nec scripturam aliquam exigunt, tamen interdum  
ex conventionem partium conscribuntur, non ut fiant  
contractus in scriptis, sed ad commodiorem rei gestae  
probationem. *l. contrahitur. 4. de pignor. l. 4. de fid. instr.*  
Sic testamenta nuncupativa secundum hodiernam ob-  
servantiam in scripturas rediguntur, ne scilicet morientibus  
testibus fides ipsorum intercidat. Eodem etiam modo  
consuetudines feudales, licet in scripturam redactae fue-  
rint, nihilominus consuetudines & jus non scriptum vo-  
cantur: *Vid. Praelaudatus Dn. D. Struv. Exerc. feud. 1. th.*  
*7. Vulrei. ad §. 3. I. de J. N. G. & C. Mozz. tract. de feud.*  
*c. 1. n. 34. Bartol. in l. 32. n. 7. 8. ff. de LL.* Alia verò ratio  
tum obtinet, si jus non scriptum per modum expressae  
sanctionis ab eo, qui legis condendae vim habet, in scri-  
pturam formetur. *Trentl. disp. 1. th. 9. lit. C. vol. I.*

#### VIII.

Visa definitione Reali divisio juris non scripti ve-  
nit consideranda, quippe quae animum legentis incitat,  
mentem intelligentis praeparat & memoriam ingeniosè  
reformat. *gloss. in proem. J. §. igitur. verb. ead. instit.*

#### IX.

Dividi proinde rectè potest jus non scriptum in  
Generale & Speciale. *Joh. Fab. ad §. 9. J. de J. N. G. & C.*  
Generale, quod universaliter consensu omnium  
est approbatum & omnes tangit, imò tanquam noto-  
rium non indiget probatione, sed sufficit illud allega-  
ri, & legis & veritatis habet vigorem, juri communi et-  
iam

iam derogat & communissimæ opinioni præfertur. l. 32.  
ff. de LL. Bart. in l. vires 8. in f. C. de divers. off. Jason. in  
l. 5. col. 9. ff. de J. dict. aur. prax. Robert. Marant. p. 3. num.  
129. fol. 40. Job. Scharf. in l. 1. n. 7. C. de servit. Andr. Gail.  
lib. 1. observ. 85. num. 7. Dn. Carpzov. in proc. iur. Saxon.  
T. 16. art. 3. n. 22. Speciale seu locale, quod omnes de  
Civitate servare sunt obstricti, quia vim habet legis mu-  
nicipalis sive statuti. l. 3. C. de sepulch. viol. l. 1. & 3. C. que  
sit long. consuet. Cyn. in l. 2. C. que sit long. consuet. Wesemb.  
in w. ff. de LL. n. 9.

X.

Ad Jus non scriptum introducendum quatuor re-  
quiri vulgò statuunt Dd. vid. Myns. 6. observ. 41. Gail. 2.  
obs. 31. Dn. Hahn. in observ. Theor. pract. ad tit. 3. ff. de  
LL. pag. m. 140. Sutholt. ad J. Diss. 1. Singula itaque se-  
cundum ordinem propter unam vel alteram difficulta-  
tem examinanda sunt.

XI.

Primò autem requiritur Rationabilitas. Cùm e-  
nim jus non scriptum s. consuetudo jus sit, uti patet ex §.  
3. J. de J. N. G. & C. non magis sine ratione esse poterit,  
quàm homo sine anima: quia anima juris est ratio l. si &  
me 32. ff. si cert. pet. l. si quid vendit. 18. ff. de adilit. edict. l. 17.  
l. fraus. 30. l. 39. ff. de LL. l. 6. §. 1. de V. S. Notandum hîc  
est, quod rationabile aliquid sit vel ex se vel opinione, aut  
etiam ad statum Reipub. cui quod contrarium est, non  
protinus irrationabile habendum: multa enim condi-  
ditio & scopus Reip. vel legislatoris excusat; uti elegan-  
ter statuit Nobiliss. atque Consultiss. Dn. D. Schroter, P. P.  
celeberr. in Not. ad Sutholt. aphor. 90. diss. 1. Nec consue-  
tudo ex eo irrationabilis dicenda, si agat contra Jus Gen-  
tium

tium & Civile §. pen. J. de J. N. G. & C. vid. Gail. 1. observ. 36. n. 2. & seq. 2. observ. 52. n. 17. 2. observ. 96. qui multa exempla ad hanc rem facientia adducit. Mynsing. 1. observ. 67. 3. observ. 39. Hering. de molend. q. 2. n. 4. & seqq. Jus Naturale verò quod apud omnes gentes peræque observatur, & divina quadam providentia constitutum, jus non scriptum non potest tollere, quia semper firmum atque immutabile manet. §. pen. I. de J. N. G. & C. Magnif. Dn. Ordinarius D. Richter, Jctus celeberrimus, decis. 96. n. 38. Cùm igitur jus non scriptum ipsum jus naturale non possit tollere, sequitur quod nec ea, quæ ex jure Naturali descendunt, mutare queat, uti apparet in Legitima, quam jus non scriptum liberis auferre non potest, quia Legitima succedit loco alimentorum, uti patet ex Nov. 118. cap. 3. petitio autem alimentorum nullo jure adimi potest, cùm alimenta jure naturali debeantur. Dubium hîc movere videtur l. 14. C. de legit. hered. in qua L. asseritur, Legitimam deberi à jure Civil. Resp. distinguendo: Aut enim Legitima consideratur respectu naturalis inclinationis, quâ parentes ad liberos alendos tenentur, & hoc modo Legitima est juris Naturalis: Aut respectu certæ quantitatis vel portionis, & hac ratione est juris Civ. vid. Mynsing. 5. observ. 43. Gail. 2. observ. 122.

## XII.

Secundò temporis diuturnitas. Diuturnitas temporis hîc propterea necessaria est, quia jus non scriptum requirit consensum tacitum populi: nam ante lapsum temporis non præsumitur cum effectu voluisse recedere à lege scripta populus. Quantum verò temporis spatium hîc requiratur, anxie inter se disceptant Dd. Quidam arbitrantur, inter quos est Donell. l. 1. comment. jur. civ.

B

cap. 10.



cap. 10. decennium requiri. Quidam, quos inter est Hotomann. ad §. 9. J. de N. G. & C. immemoriale tempus desiderant. Rectius sentire videntur ii, qui hoc tempus prudentis judicis arbitrio committunt, ita ut in rebus arduis tempus majus, in rebus autem exigui momenti brevius v. g. decennium statuatur. Vid. Nobiliss. atque Excellentiss. Dn. D. Strauch. Prof. Publ. celeberr. Diss. 1. th. 10. Duar. c. 11. de Leg. Cujac. lib. 20. observ. 1. Grot. de J. P. & B. 2. c. 6. num. 5. Treutl. Diss. 1. thes. 9. lit. E. vol. 1. Hahn. d. l. p. m. 142. Bronchorst. cent. 1. adfert. 8.

### XIII.

Tertiò frequentia actuum. Ante omnia hinc actuum qualitas perpendenda erit. Debent autem actus esse (I.) voluntarii, aliàs enim non possunt indicare populi consensum. (II.) Publici non clandestini, ut constare possit de consensu populi communi. (III.) Frequentes l. 5. l. 6. ff. de LL. Quot verò actus adesse debeant, de hoc maxima est opinionum varietas. Relictis aliorum judiciis etiam hoc arbitrio judicis committendum esse statuo; cum ea, quæ in jure certò definita non sunt, meritò judicis decreto tribuantur. l. 1. §. fin. ff. de jur. deliber. l. 7. de contrah. emt. Vid. Menoch. de arbit. jud. quest. cas. 81. Neque de necessitate est, ut hi actus sint judiciales, siquidem etiam extrajudiciales sufficiunt. Panorm. in c. fin. n. 16. x. de consuet. Cothm. resp. 34. n. 66. & seqq. vol. 2. & ad tit. 14. C. n. 230. & seqq. licet negari non possit, quòd fortius ea, quæ in judicio, quàm quæ extra judicium gesta sunt, probent. l. 34. ff. de LL. Vid. Pralaudatus Dn. D. Strauch. d. l. Hanc quoque opinionem Cameram Imperialem secutam fuisse testatur Gail. lib. 2. observ. 31. n. 8.

### XIV. Quar.



## XIV.

Quartò Consensus populi. Consensum populi tacitum, qui superiorem non agnoscit, causam proximam juris non scripti esse, patet expressè *ex l. 32. §. 1. verb. iudicio populi recepta ff. de LL. Bocer. class. 1. Dissp. 4. thes. 3. Gail. 2. observ. 31.* nisi enim consensus interveniret, non posset censi jus, nam diuturni mores consensu utentium comprobati legem imitantur. *l. de quibus 32. ff. de LL.* Neque sufficit, si dicatur, populi consensum adesse, sed actus sive exempla consensum illum confirman-  
tia requiruntur *l. 1. ibi: probatis his, quae in oppido frequen- ter. C. quae sit long. consuet.* Aliud vero statuendum esse in populo, qui superiorem recognoscit vel imperio superioris se submitit, facile concedi potest, siquidem talis populus non nisi per superioris consensum vel patientiam consuetudinem introducere valet. *Vid. Oldendorp. ad L. 32. ff. de LL.*

## XV.

Explicatis quatuor juris non scripti requisitis, iubet inquirere, quibus modis jus non scriptum, licet ipsum, de quo constat, esse introductum, sit jus, quia tamen ex facto resultat *c. 1. x. de constit. in 6.* facta autem non praesumantur sed probanda sint *l. in bello. 12. §. 2. ff. de capt. & postl. revers. l. 13. §. f. de publ. in rem act. l. 10. C. de non num. pec. l. 1. C. de probat. Gail. 2. observ. 13.* probari debeat.

## XVI.

Ad probandum Jus non scriptum testes duos in actuum & temporis depositione convenientes sufficere arbitror per *l. 12. ff. de LL. vid. Cujac. lib. 20. observ. 1. Bart. in l. 2. C. quae sit long. consuetud. Johan. Fab. ad §. 9. J. de*

J. N. G. & C. licet tutius esse videatur plures testes produ-  
cere. Confer. Coler. de process. execut. p. 1. c. 3. n. 34. & seqq.  
Mascard. de probat. conclus. 423. Dn. Hahn. in observ. ad  
Wesemb. p. m. 143.

XVII.

Probari etiam potest Jus non scriptum Scripturis  
videlicet libris publicis, attestatione seu scriptura Magi-  
stratum. arg. l. ult. in pr. C. de LL. Bart. in l. 32. num. 21.  
Trentl. Disp. 1. th. 9. lit. H. in fin. Aliud obtinet in con-  
suetudine notoria, quæ probatione non indiget, cum ea  
quæ notoria sunt, non egeant probationibus c. super eo.  
3. x. de testib. c. evidentia 9. x. de accusat. Vid. Vasq. in præ-  
fat. controu. illustr. n. 25. & c. 2. n. 11. Mynsing. 6. observ. 3.  
Coras. p. 2. de art. jur. c. 10.

XVIII.

Elegans jam occurrit quæstio: an Doctore excel-  
lenti de consuetudine attestanti, fides sit adscribenda?  
Licet multi sint, qui affirmativæ subscribant, inter quos  
est Mynsing. observ. 96. cent. 5. n. 4. & 5. qui d. l. refert, o-  
pinionem hanc in Camera Imperiali approbatam esse  
Prosp. Farin. in prax. crim. quæst. 14. n. 32. quid. l. asserit,  
quod consuetudo probetur per attestationem Doctoris  
illius loci, ubi ipse versatus est, secus extra illum locum:  
attamen salvis tantorum & aliorum virorum opinionibus  
negativa magis mihi arridet, & quidem (I.) arg. l. 12.  
ff. & l. 9. §. 1. C. de testib. l. 20. in fin. C. de quæst. (II.) ex hoc  
fundamento, quod consuetudo sit facti c. 1. de const. in 6.  
& facta prudentissimos plerumque fallere possint, arg. l.  
2. de jur. & fact. ignor. imò incerta sint & plena circum-  
stantiarum. Gothofred. in not. ad l. 16. ff. de stat. hom. lit. 2.  
Neque hîc illud, quod communiter dicitur, cuilibet in  
arte

arte sua credendum esse, moveri posse videtur, quoniam consuetudo non nascitur ex doctrinis & Dd. libris, sed ex consensu & populi actibus. Judex verò si ex actis publicis actus, in quibus hoc vel illud jus diu observatum fuit, producat, rectè consuetudinem ostendisse censetur. *Vid. sapius laudatus Dn. D. Struv. d. l. th. 21.*

XIX.

Num duæ consimiles in eodem litis genere sententiæ consuetudinem faciant hîc non incongruè quæri potest? Et Resp. quod non, quia notissimi juris est consuetudinem à rebus judicatis distingvi. *l. 38. de LL. (II.)* quia de tacito populi consensu constare debet. *l. 32. in fin. de LL.*

XX.

Ulterius non incommodè hîc quæritur: an consuetudo, quæ libris Mercatorum plenam fidem adscribit, sit approbanda? Quoniam hac in quæst. non exiguæ auctoritatis viri affirmativam arripere amant, placet mihi illorum opinionem hac vice defendere, modò hæc quatuor reperiantur in mercatore (I.) ut sit bonæ famæ & fide dignus. (II.) ut causa debiti sit expressa. (III.) ut liberationum contineat & data & accepta cum dierum consignatione (IV.) ut sit scriptus propria manu mercatoris. Ultimum quod concernit, non arbitror, illud necessariò requiri, si rationes ab administratore vel institore aliave persona fide digna fuerint consignatæ. *vid. Felin. in c. 2. num. 26. de fid. instrum. Jason. in repet. l. admonendi num. 227. ff. de jurejur. Bald. consil. 198. num. 3. vol. 1.*

XXI.

Num propter consuetudinem à dolo quis excusari possit, dubitatur? Affirmantium castra scquor (I.) ob tex-

B 3

tum



tum l. 22. §. ult. ff. de pign. act. vid. gloss. ad d. l. (II.) quod  
is, qui facit illud, quod ab aliis fieri solet, non solum non  
in dolo sit, sed ne quidem in culpa. vid. Jason. in l. certi  
condict. 9. §. 8. in fin. si cert. per. (III.) quod consuetudo  
faciat licitum, quod alias est illicitum c. obiciuntur 32. C. 7.  
q. 4. (IV.) quod consuetudo generalis bonam fidem  
inducat. Vid. Zenob. vir legum peritissimus cons. 370. lib. 3.

XXII.

Non verò excusat consuetudo à poena in his, quæ  
suapte natura mala & detestabilia sunt, vid. Magnif. Dn.  
Ordin. d. decis. 96. n. 39. Bald. in l. de quibus. 32. col. 20. ff. de  
LL. Et pro hac opinione optimè videntur facere textus  
ex jure Can. vid. cap. ult. x. de consuetud. cap. 8. c. 9. & c.  
26. de Simon. cap. 11. x. de excess. pralat. gloss. ad d. cap. in  
verb. Auctoritas. Conf. Hippol. Marsil. in l. 1. col. 12. versic.  
19. ff. de Sicar. Ant. Fab. lib. 6. conclus. 8. n. 27. Joh. Wilhel.  
Rövestranck. de redhib. indic. equest. c. 2. n. 1. Anton. Flor.  
vir juris divini & can. solertissimus tit. 30. c. 1.

XXIII.

Neque privata cujusque consuetudo à delictis &  
poena excusat, sed multò magis auget & delinquentem  
acrius punit l. 28. §. solent. 3. & §. 10. ff. de pæn. l. 1. de jur.  
patron. diuturnitas enim temporis non minuit sed au-  
get delicta per text. l. nemo 3. C. de Episc. aud. imò nec poe-  
na minuitur sed augetur, etiamsi antiqua delicta præscri-  
pta fuerint. Bald. in auth. sed novo jure num. 4. & ibi etiam  
Cæpol. num. 98. in f. C. de serv. fugit. Consideratur etiam  
qualitas reiterationis delictorum sive priora delicta sint  
commissa in uno eodemque loco & territorio sive etiam  
in diversis. Bart. in l. si cui 7. §. fin. ff. de accusat. Bald. in l.  
certum 6. col. 1. in fin. ff. si cert. per.

XXIV.

## XXIV.

Publicam autem consuetudinem, quæ videlicet uno omnium consensu inducta & jam longo tempore observata, excusare, non negandum erit, modò non sit contra jus divinum aut naturale, uti *thes. 17.* dictum, & non per principem aut legem abolita, aut, ut vulgo dicitur, cassata, siquidem consuetudines & statuta, quæ sunt cassata à principe, non valent, nec excusant transgressores à poena. *vid. Bald. in Auth. omnes peregrini C. comm. de success. Roch. Curt. in c. ult. colum. 10. d. constit.*

## XXV.

Utrum consuetudine privilegium fori Clerico concessum tolli possit, controvertitur? Negantium opinionem restrictione & limitatione aliqua adhibita apprehendi posse, existimo, quòd sc. consuetudo non possit in totum & generaliter Clericorum privilegio præjudicare ac derogare, sed benè in aliquibus casibus particularibus & ex rationabili causa illud restringere. *vid. Covarruv. præf. quest. c. 31. n. 5. vers. quam ob rem & c. Clar. in præf. Crim. q. 36. vers. sed ea retenta.* ubi dicit: quod hæc sententia pluribus locis in practica observetur.

## XXVI.

Porrò disceptatur: num consuetudo interrupta dici possit, si populus contra eam utatur? Distingvo: aut enim populus post consuetudinem præscriptam per errorem utitur contra illam, & tunc non interruptit, quia non habet animum eam tollendi, aut vero ex certa scientia utitur contra eam non simpliciter sed legem condendo contrariam, tunc tollere illam videtur. *l. 3. §. 5. ff. de sepulch. viol. arg. l. nihil tam nat. 35. ff. de R. J. §. pen. I. de J. N. G. & C.* si vero usus populi non sit sufficiens ad contra-

tra-

trariam consuetudinem inducendam, non tollit consuetudinem legitimè præscriptam *arg. l. 27. §. pactus. 2. vers. sed si pact. ff. de pact.*

XXVII.

Improbatur & rejicitur etiam merito illa consuetudo, quæ sub certa poena prohibet, ut, quod unus coepit, alteri perficere non liceat, cum expressè *in l. unic. C. de monop.* sancitum sit, quod unusquisque sine timore dispendii perficere possit illud, quod ab altero inchoatum & derelictum est. *Vid. Dan. Moller. lib. 2. semest. cap. 15. Dn. Carpzov. in Jurispr. for. part. 2. Constit. 6. defn. 11. n. 6.* qui notabile d. l. adducit præjudicium, cujus verba hæc sunt: *Ob wohl in euren Innungs-Briefen klar und deutlich versehen/das/was ein Zischer zu arbeiten angefangen und liegen lassen/ ein ander Meister in solchem Handwercke nicht verfertigen und ausarbeiten dürffe/ Dieweiln aber gleichwohl dergleichen Vernehmung und Ordnung denen gemeinen Kayserslichen Rechten schnurstracks zuwider ist/so sind auch berührte Innungs-Briefe/so viel diesen Articul anlanget/zu Recht nicht gültig noch zulässig.*

XXVIII.

Juris non scripti s. Consuetudinis denique vis atque effectus non minor est quàm ipsius legis. *l. 33. ff. de LL. Magnus Dn. D. Richter. Jctus longè celeberr. decis. 70. n. 42.* omnes enim actus dirigit ac informat, *Anton. Fab. in Cod. lib. 4. tit. 7. defn. 21.* & obligat ad scientiam, obedientiam aut ad poenam non solum in contractibus *l. si fundus 6. de evict. l. 31. §. 18. de edil. edict.* sed etiam delictis & aliis actionibus humanis. *l. saccul. 7. de extraord. crim. l. 16. §. pen. de pæn.* Commodè hîc loco clausulæ illa decidi poterit controversia: an Lex per consuetudinem

nem

nem contrariam tolli atque mutari possit? Adfirmo per  
*l. 32. §. 1. de LL. vid. Dn. Arum. disp. 1. aphor. 93.* Ratio-  
nem dubitandi movet *L. 2. C. qua sit long. consuet.* Ad  
quam legem resolvendam non concors omnium est o-  
pinio. Quidam autumant, quod d.l. non de quavis con-  
suetudine, sed de ea saltim loquatur, quæ rationi & legi  
contraria est. Quidam distingvendum esse putant in-  
ter consuetudinem generalem & specialem. Alii dicunt,  
*d. l. 2. ad statum Monarchicum restringendam esse.* Abs-  
que ullius præjudicio *d. l. 2.* ita intelligi posse arbitror,  
quòd scil. consuetudo non possit vincere rationem h. e.  
non debeat esse irrationabilis, & non possit vincere le-  
gem, quam Princeps non obstante ulla consuetudine  
vult observatam. Et hæc pro ratione temporis & institu-  
ti ex juris non scripti materia delibasse sufficiant. Si quid  
igitur candide Lector, minus rectè positū fuerit propter  
temporis inopiam, rogo, memor sis *l. 3. §. si quid autem. 13.*  
*C. d. f. V. E.* ubi dicitur: quòd in nullo aberrare seu in o-  
mnibus irreprehensibilem seu inemendabilem esse divi-  
næ solius, non autem mortalis sit cōstantiæ seu roboris,

## CORONIS.

I.

**C**ivitas potest condere statuta absque  
superioris confirmatione, modo in iis  
jus superioris non lædatur.

2. Is, qui Titium interficere vult, Sempro-  
nium fortè interimit, pœnâ *L. Cornel.*  
est dignus.

C

3. Quod

3. Quod lusu deperditum est, non necesse  
habet debitor solvere.

4. In Criminalibus non est admittendus  
Procurator.

5. Maritus uxoris suæ Curator esse potest  
de jure Sax. non vero Civ.

6. Adsertioni vulnerati in articulo mortis  
factæ, credendum non est.

7. Fur, si rupto laqueo vivus in terram de-  
cidat, iterum strangulari debet.

8. Q. an rem furtivam in ædibus alienis per-  
quirere licitum sit. A.

9. Q. An Thesaurus in ædibus venditis in-  
ventus ad venditorem, an vero emto-  
rem spectet? A. post.

10. Q. An Virgo, per vim stuprata, desinat  
esse Virgo? N.

11. Q. Titius Sempronium diffamat, referens  
se ex Mævio audivisse, quod Sempro-  
nius furti insimulatus fuerit, an injuria  
commissa sit respectu Titii diffaman-  
tis? A.

12. An Filiusf. possit testari de peculio ad-  
ven-



ventitio extraordinario gravis inter  
Dd. est controversia. Quod possit  
pro cathedra defendere conabor.

13. Q. An fugiens è carcere habeatur pro  
confesso. D.

14. Q. An vidua nubens intra annum lugu-  
brem incurrat infamiam? N.

15. Q. An accusatus ob delictum aliquod  
pendente lite è collegio opificum re-  
pelli possit? N.

16. Q. Si injuria facta ipsi judici, an judex  
de injuriis sibi illatis inquirere ipse  
possit? Dist.

17. Mulier in Criminalibus testis esse po-  
terit.

18. Q. An inquisitus, qui aliquod delictum  
confessus est, etiam de aliis delictis  
mediante torturâ interrogari possit  
sine novis indiciis? N.

19. Q. Num Advocato honorarium debeat-  
ur, qui in causa succubuit? A.

20. Q. An Traditio annuli, osculum &  
benedictio sint de substantia Docto-  
ratûs?

21. Q. An is, cujus pecunia res mobilis vel immobilis comparata vel refecta, in ea re jure hypothecæ præferatur omnibus creditoribus etiam antiquioribus? A.

22. An Legitimati per subsequens matrimonium in feudo succedant? A.

23. An Princeps ex plenitudine potestatis bona privatis auferre possit? N.

24. An injuriatus injurianti propinando censeatur remisisse injuriam? A.

25. An sanguis ex occisi vulnere promanans, sufficiens ad torturam indicium contra designatum præbeat? N.

26. An Creditor invitus ad particularem solutionem recipiendam compelli possit? N.

27. An ille, qui excipit in judicio contra testes, quod sint falsarii, improbi, criminosi, & non probat, actione injuriarum teneatur? N.

28. Num virgo pro defensione pudicitiae aliquem impunè possit interficere?

29. An

29. An ad carnificem omnia illa, quæ in loco (ubi homicidium sui ipsius patratum est) infra, supra, sursum & deorsum in circumferentia gladio attingere potest, spectent? N.


30. An Mercator, si rem aliquam furtivam fortè bonâ fide in publico foro s. nundinis emerit, illam teneatur recognoscanti Domino non soluto pretio restituere? A.

31. An Mercatores extra causas mercatorias aut alii illiterati ad judicandi munus & Reip. gubernacula rectè adhibeantur? N.

32. An Ministri Ecclesiæ ob verba duriora in suggestu proposita possint conveniri actione injuriarum? Dist.

33. Sola confessio veneficarum & sagarum neque ad inquisitionem neque torturam earum quas indicant, sufficit.

DEO TRIUNI SIT LAUS HONOR  
ET GLORIA.



*Nobili atque CL.*

**DN. GEORGIO LUDOVICO**

**SCHILDIO, J. U. Doctorando**

dignissimo,

*Fautori, Amico atque Cognato pl. dilecto  
ac honorando,*

**Disputatione Inaugurali vitæ Academicæ**

**valedicturo Advocatique spartam**

suscepturo,

**FELICITER!**

**R**elictâ Cathedrâ petitur sic Curia ritè;  
Sis **CLYPEUS** miseris, mente manuq; pre-  
cor.

*Joh. Ern. Gerhardus, SS. Th. D.*

*& P. P.*

---

**A**ltiùs exurgit cœli Phœbeja Lampas  
Jucundos veris ferre parata dies.

Tu

Tu LAURI THEMIDOS cupidus sic pulpita scandis,  
Ergo capeffenti præmia, vota fero.

Protege, ceu prodit nomen, sacra jura cavillis,  
Et monumenta nova non moritura PATRIS.

*Clarissimo & Per-Eximio Dn. Respondenti,  
Amico & Inquilino meo pl. dilecto, boni  
omnis & benivolentia ergo f. gr.*

**Christoph. Philip. Richter / D.**

Com. P. C. Collegii Jurid. Ordina-  
rius & p. t. Decanus.

**S** At benè certatú, SCHILDI, nunc abjice parmã,  
Patria sperat opem, poscit Te curia supplex,  
Altiùs ad dignas animo confurgere curas  
Te decet. En virtus TIBI jam decernit honores.

*Nobili atque Clarissimo Dn. SCHILDIO,  
pro summò in Jure obtinendò gradu  
disputanti*

*Imo, gr.*

**Joann. Andr. Gerhard, D.**

**J**ustitia æquatâ lance & mucrone coruscô  
pingi solet: figura quidnam denotat?  
Scilicet ipsa suum cunctis dispensat & offert  
æqualiter, non hunc nec illum contuens.

Quis non Justitiam, SCHILDI præclare Themista,  
In Te videt, munus suum nunc exequi?

Non ignara etenim studii magnique laboris,  
cui Te dedisti, digna jam dat præmia:

Præmia digna Tui; quoniam consumere curas  
dies tuos in Jurium tutamine.

**Ergo**



Ergò nunc cœptis præsentibus atque futuris  
Tuis suam Jehova det clementiam!

*Hoc*

*Dn. Matrucki suo de Honoribus Docto-  
ralibus gratulans scripsit*

M. Johannes Güntherus Kircheim.

**E**st sanè verum, nec quicquam verius unquam:  
Non tibi per ventos assa columba venit.  
Haut etenim somnus: non vinum præstat hono-  
rem:


Nullus honor pigro; sedulus astra petit.  
Hocce doces factò, Musarum splendide cultor,  
Exemplò, SCHILDI, significasq; tuò,  
Dum sequeris Patrem: ergò tibi nec præmia de-  
sunt,


Ac meritis dignum nunc diadéma capis.  
Prosit honos: partum cuncti gratamur honorem:  
commoda multa tibi & præmia multa ferat!

*Φιλίας καὶ ἐὺφροσύνας χάριν Clariss. Dn. Do-  
ctorando Et h. r. Commensali suo, sic ap-  
plaudere voluit, debuit,*

Wolffg. Theodoricus à Volgstädt/  
Eq. Thur.

**FINIS.**








200 A 6273

ULB Halle

3


002 846 500



5b.

V D 17  
Ruber





5. Ding  
mit  
jand

Disser





*Quod felix esse jubeat SS. & individua Trinitas!*  
DISPUTATIO INAUGURALIS JURIDICA

DE  
JURE  
NONSCRIPTO,

*Quam*  
Jussu & Autoritate  
*Magnifici, Nobilissimi & Amplissimi in Illustri*  
SALANA Jctorum Ordinis,

DIRIGENTE

VIRO

*Nobilissimo, Amplissimo, Consultissimo atque Excellentissimo*

DN. JOHANN. VOLK. Bechmann/  
J. U. D. celeberrimo, Consiliario Saxonico gravissimo,  
Curia Provincialis atque Seabinatus Adsessore spectatissimo, Pro-  
fessore Publico eminentissimo, Dn. Patrono atque Promotore suo z-  
viternum honorando,

PRO LICENTIA

& in utroque Jure Privilegiis & honoribus DOCTORALIBUS  
rite impetrandis,

*Publico Doctorum examini offert*

GEORGIUS LUDOVICUS Schild/

Arnstad. Thur.

*Ad diem 13. Martii*

In Auditorio Jctorum

Horis ante- & pomeridianis.

JENÆ

Typis NISIANIS, ANNO MDCLXI.

